

重修永平府志序



經不欲詳史不欲簡兼之者志也夏書所載禹八年治水九州作貢之文不滿百行夫子修春秋皆經國大訓人有微而不名事有小而不紀以是知經之不欲詳也且夫子叙書斷自堯舜

序

而太史公作史記則遠述軒皇歐陽文忠尙論五代之際雖滑稽小說有所不遺以是知史之不欲簡也然則志何以兼之昔明人作一統志詳書風俗政事而略於文章意者其有得於此乎永平志自萊陽宋觀察刊訂

以來終今五十餘年未經修緝
采風者憂之方今

主上勵精圖治省耕省歛之使不絕
於路閔蝗閔雨之

詔頻下於庭又嘗

命館閣之臣錄子史之精華輯皇輿
之表鑑以備

乙夜之覽觀恭惟

天子大聖一日萬幾且猶孜孜汲汲
考鏡古今以求通天下之情如
此其至也然則有天下者憂天
下有官守者憂官守亦固其所
予承乏永平五年於此矣上之
不能修明教化襄贊太平之治

次之不能親歷田間問民疾苦
宣

上德意下之有司一掌故之書亦復
殘闕不舉庸非官守之戾歟緣
積退食餘工考前事之得失刺
民間之利弊稽於官謀於野諮
諏於士大夫家凡所謂五十年

序

三

來未經補綴者悉書於策苟完
一郡之章程留俟後賢之鑒定
內備職方之采取外資通志之
集成蓋放乎史之意而不欲簡
也然不敢誇多而闡靡也有若
孟姜哭城湘子遺影飛將軍射
石之類事涉不經無關吏治或

存而弗辯或削而不書夫亦
乎經之旨而不欲詳也其節孝
之事蹟獨加詳者以爲意在勵
民可垂世範也吾因之且有感
矣士生斯世徂於科舉之習爭
爲無用之文一切經世之學廢
而不講一旦得志於有司見用
於

序

四

皇家寄之一官而授之以政匪執滯
而不達則迂濶而難行夫士不
通經固無足取第徒守空言而
不審實用豈不可惜王荊公有
言經術所以經世務予嘗推其
意而廣之曰經世之道存乎經

用世之鑒存乎史通世之情存乎志志也者爲政之先資也蓋可以忽乎哉明初有岢嵐學正山陰教諭二人給由至京師孝陵召問民間事皆對不知孝陵怒曰宋儒胡瑗爲湖州教授其訓諸生兼以時務聖賢之道所

序

五

以濟世也民情不知則所教何事由此觀之古之爲人臣者雖居清閒冷落如廣文之官猶以民事爲已任否則人主亦將加之以罪史臣書之以爲後戒而况其號爲長民者哉是志之成也學博徐香胡仁濟實相與討

論之宜著其勤爲來者勸

時

康熙五十年辛卯九月之吉

特擢大中大夫直隸永平府知府加
一級前署理通永道事兩任順
天府薊州知州三河文安二縣
知縣加六級東越張朝琮撰

序

六



永平府舊志序

古者列國必有史今之列郡卽古之列國一郡之志卽一國之史永平爲墨台氏故封昌黎先世橫渠後昆咸在封內是古聖賢之邦也自遼金元先後爭據載籍泯闕明與定都于燕永爲東輔郡遂爾文獻斌斌予來守永欲明習一方事因取郡志披閱之弘治十四年郡張行人纂者簡而核萬曆十九年閩郭文學修者博而賅刪繁補闕可爲全書遂集郡貢士及博士弟子員爲之適豫章涂印玄來登碣石謁孤竹有子長風予愛其手註會旨刻之因確

永平府志

舊序

一

郡志涂子曰春秋詳內而畧外義精而體當若後世之書有簡有博簡者闕博者繁闕則失義繁則傷體義失鮮史學體傷乏史才此春秋之爲絕筆也予嘉其議而屬之志涂子筆則直心則虛出入張郭二書參取州縣諸乘而編摩筆削之及傳政蹟行誼必於郡縉紳先生是徵自巳亥閏四月迄秋八月而稿脫首圖者七爲卷者十爲綱者八爲目者五十有七編年以著沿革列傳以敘事實備述以廣記睹不闕而核不繁而賅於義無失於體無傷此志旣成永平之疆域剗置政事文章風俗人物可以傳世不泯

而後之稱信史者必曰永志云萬曆己亥河南按察司副使管永平府事東齊徐準撰

又

周官詔觀事則有志詔地事則有圖厥典重哉北平負山帶河雄稱四塞屹然京陵左馮翊其地簡重地重而典滋重矣郡弘治辛酉有張志什一厯存越八十四襍爲萬曆辛卯有郭志苞舉容蓋之繁挾闡今昔之興臚陳畛列若開玉府而璜璫璋爛焉畢具第連類洸洋遠者歎浩汗而難收近者苦極目而難竟俾畿左外史識者莫睹大全

永平府志

舊序

二

雖玄圃積玉無所用之嗟嗟載籍掛漏而不廣擴窮搜則疎疎則前守責也載籍博括而不約取中窾則贅贅則今守責也新城徐公憂之曰守責弗修是遽廬守也某曷敢廼愍神揀思損舊益新且求海內多聞有道術者得江右隱君涂公國柱振纓高談卒卒語合遂董其事志爲十卷圖七綱八目五十七天時地利并大故首象方建置政教肇自官師故政事職官次之地因人靈文章蔚焉故選舉人物藝苑又次之至備述祥异時務亦旁綜者所不廢也志成命不佞瑜敘端簡讀之體裁合集冠冕詞家或直書

以申規或微詞以見諷津津一方文獻云徐公奮跡鄒魯
以經術經世務章縫斐然嚮風且也四三年來海氛震鄰
天灾虐野苦兵苦運苦賑公膏雨吾土酌泉不媿一清以
故刑平政餘六屬赤子依之身爲志也凡諸廢置沿革不
及行載筆而存之言爲志也身志言志且不煩彫章縟采
豈好爲更張已邪不則龍門待嗣續而卒業眉山以雁行
而成書是役也捫札未逾歲含毫不數人驟而託於不朽
者之林則志非難志志者之難也觀者因文識意并登志
之所以不朽者何在卽繇茲而睹大全可也萬曆己亥兵

永平府志

舊序

三

科給事中前翰林院庶吉士郡人白瑜撰

又

永平府志張勅之郭續之涂君筆削之稿脫且刻以傳矣
邇郡守徐公之美政也始末載在白吉士前序余按志而
書其後曰夫志事之紀也而經世之道寓焉感化之理昭
焉是故上之人觀於象方也則知辨於建置也則憂廢於
政事也則欲因其利而利之於職官也則懼曠於選舉也
則尚賢於人物孰苑也則圖令名於備述也則務達權夫
辨則不惑憂廢則不墮因其利而利則惠溥懼曠則奮

尚賢則幾於道圖令名則罔愆務達權則通經世之道備
於斯矣易曰通其變使民不倦神而化之使民宜之是故
夷齊以清化則頑者懦者變召公以德愛化則蔭棠陰者
變昌黎氏以文教化則士風之衰者變上者化之下者變
之天下萬世皆然孰謂人心之不古也顧在上者之感化
何如耳世有作者不騁文詞以爲高則炫物象以自侈其
於官箴民隱乃或若罔攸聞者其亦弗思焉耳矣庚自按
歷青齊後告歸釣臺十有四年不諳當世之務而竊有望
於經世者慎感化焉巡按陝西山東福建道監察御史郡
永平府志

舊序

四

人韓應庚撰

又

郡有乘其昉于國史之遺乎永平偏壤屬孤竹故封古文
物衣冠地也嗣以金元竊據幾百季所迨我明混一寰宇
置關設衛爰稱雄鎮爲神京左協然障塞一垣瀕海百里
許尤東北要劇之區不佞承乏于茲去城陷時未久睠其
民生凋瘵里戶單虛賦役繁苛風俗偷薄竊有慨焉更以
羽檄交馳卽荒垣三百餘里儘費拮据日奔走于踈烟斷
草之中猶不暇給無問勞勞郡治矣夫去故者新難圖憑

虛者實愈遠天下事不可以臆任昭昭也是故考時者證
變度地者覽勝觀風者驗治論世者定宗凡所轄之山川
井邑戶口土田人物食貨建置興除暨于城郭溝塗郵傳
甲兵民風吏治咸筆之書者所以述往古詔來茲得失之
林鑒戒係焉勿可後也宜直指韓公甫入境亟以郡志下
詢也郡故有志已已之變火爲梨災搜之者舊僅得原本
乃知經剗刪者三而前劉公謀以繕之爲郡侯擢去不果
茲者關中李侯雅有同心博諮廣採補其闕遺分綱析目
于疆域物力屯社戎政則加詳焉累月生成屬余爲序夫

永平府志

舊序

五

徐公熊公耳序原本亦旣該矣余復何言惟是披覽之餘
繇今思昔不能無感于斯志也嗟嗟戶口昔登今耗賦役
昔簡今繁風俗昔厚今偷人才昔隆今替郡固偏壤乎然
而天下之盛衰一隅之積也一隅之盛衰天下之漸也盛
衰之數在天而致之誠在人考之則在書也書也者政之
所自出也後之君子蒞斯土讀斯志觀邊疆則思握險控
御巡鑿壺標之事徵人用則思愛養制節盈縮損益之宜
未病而調笑無逸策庶寒谷春生涸轍波迴有望乎不然
徒曰紀故實備採風也殆匪爲志者之志矣宗禎壬午整

飭永平等處監軍兵備道陸安姚恭撰

志修成兵亂失稿未刊

又

燕京之郡有八而永平在薊之東北古云遼西卽其地也負山帶河險固四塞昔曹公北伐烏桓出盧龍塞經白檀登白狼望柳城殆所謂踞上游者歟其間分野灾祥山川土田官師人物固彬彬乎三才具備也歷宋元明皆詳於所志矣至我

清定鼎以來兵火旣更舊籍殘落余於康熙二年過故里有

韓生者以修志請余曰永平雖處偏隅亦一代文憲事也

永平府志

舊序

六

遂捐資助之并命大叅宋君竣其事無何工未成而宋君擢浙臬矣并携板而南無何工未竟而宋君又以坐事罷矣余曰事豈可以已哉復遣人往浙取板來京師仍發永平與續纂其集迄數年竟無有起而參考者余每爲之三歎曰永平雖蕞爾郡而置險設兵控扼西北屹然一巨鎮矣地靈起而人傑輩出冠帶烏履之盛蓋殷殷焉豈千百年以來至今日而可失其傳乎庚戌冬適有楊生來謁因道前修志事余曰是予之初志也乃思永平郡丞羅君者余門人也卽郵札致之命董理其工謂斯集之成藉以不

朽者君之力也而羅君果踴躍從事不數月而厥功告成矣夫古者千乘之國與附庸之邦皆有史官以掌記時事第不過君卿大夫言動之一端而所謂分野灾祥山川土田官師人物之類意別有圖籍以主之今志則無不燦列矣是故古史之失在略而今志之得在詳也後之採風者覽其遺文而一代典章名物之盛不既犁然具備也哉余故喜而爲之序康熙庚戌總督淮揚等處地方提督漕運海防軍務兼理糧餉兵部尚書兼都察院左副都御史蔡士英撰

永平府志

舊序

七

又

古郡國皆有風採之輶軒以徵土俗皆有乘紀之太史以傳人物班孟堅易八書爲十志志之名肇此焉劉子荃述書十品而郡書地理居二郡書詳於人地理詳於境後世兼而載之善哉丘文莊之有言也世有千載不刊之書無百年不葺之志蓋志兼史以行者也大則疆域建置賦役風謠小則災祥品秩往蹟遺徽非旁綜廣攬則湮佚靡該非慎核精搜則名實易謬江文通所謂修史之難無過於志况官師之增收戶口之繁減令甲政教之損益月易而

歲不同不及時補綴曷詔後來歟北平馮翊重鎮清聖故
封之地將軍桃李之蹊爲 神京左輔郡乘罹亂久失前
守彭公求觀察宋公修輯原稿爰以壽鏤迄今又十鑽新
火矣其間

鑾輿雲罕之朝

陵蒐獵駐蹕巖疆龍驤分守之建置營房徼巡固圉皆未記
於前冊猶爲急務不佞自丙辰之冬來守此土瞻謁宮牆
展禋饗臘而楹宇頽殘蜡祭無所慨然歎云聖宮弗葺何
以振文教而揚武功廟祀乏祠何以銷螟螣而豐嘉穀又

永平府志

舊序

八

軫龍郡多年名甲寥落非剏立書院無以教養生儒弘敷
德造也於是捐俸倡募先修文武二學次及蜡廟書院閣
歲鳩工始竣焉政通人和年無祲敗簿書稍暇復思郡志
存往以遺今豈重望於後起者乎於是咨詢紳掖改稽邑
乘博不厭精約不傷刻數月而告成帙以副文宗允托之
盛心俾後袞披覽此志景慕勝舉因之興繕備敗課士育
材用繼不佞尊聖娛神崇文毓秀之苦心陽山灤水其式
馮之康熙己未中憲大夫直隸永平府知府加七級三韓
常文魁撰

歷考修志姓氏

明

弘治辛酉郡守江都吳公傑訪構舊志殘缺舛訛乃屬
致仕行人張公廷綱廣文吳公祺率諸生修輯府志
萬曆辛卯副使歸善葉公夢熊聘舊門下生閩人郭造
卿修府志時郡守山左陳公維城與郡司理烏城沈
公之陞同爲修輯

萬曆己亥郡守新城徐公準屬豫章隱君涂公國柱修
輯府志

永平府志

修志姓氏

崇禎壬午郡守三原李公在公因郡志遭己巳火災復
廣採補輯志成又值兵亂失稿未刊

國朝

順治戊戌觀察副使萊陽宋公琬撰輯府志二十三卷
郡守宜興路公遴參校後遼陽彭公士聖訂梓

康熙戊申郡丞壽州梁公泰來留心郡乘屬山海衛教
授錢公裕國修補

康熙庚戌漕運總督郡人蔡公士英屬郡丞會稽羅公
京董理刊刻府志

康熙己未郡守三韓常公文魁屬郡紳汪公叔問管公
聲揚孫公如林貢士韓公鼎業翟公鳳翥及楊生新
興修補府志

康熙庚子郡守蕭山張公朝琮委府學訓導徐公香廬
龍縣學教諭胡公仁濟續修府志

永平府志

修志姓氏

二

永平府志目錄

卷之首

圖

卷之一

世紀

卷之二

沿革

卷之三

星野

災祥

永平府志

目錄

卷之四

疆域

山川

卷之五

里市

風俗

物產

卷之六

城池

公廨

學宮

祀典

惠政

卷之七

戶口

賦役

卷之八